

Protocol no. 58
Sezzüda da gövgia, als 14 marz 2013 **20.00 - 23.30**

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Marco Fallet (protocol)

Protocol

Il protocol no. 57 da la sezzüda da marcurdi, als 6 marz 2013 vain approvà.

499 021 FABRICA
Uina SA, Ramosch / permiss per explotar gierra da la chava
Panas-ch Sura

Il contrat da concessiun dals 27 october 2011 d'eira gnü sancziunà da la radunanza cumünala. Parallel a quel ais id'in vigur la ledscha d'explotaziun e da deponia da Pans-ch Sura. L'art. 6 da quella circumscriba las taxas, cha la concessiunaria ha da pajar al cumün.

Quellas vegnan indexadas, seguond art. 7 in basa da l'index zürigais (123,6 puncts, stadi avrigl 2010 – basa 1998 100 puncts). Quai succeda però pür cur cha l'index s'ha augmantà mincha jada per 6 puncts.

Ils decrets da la Regenza e dals uffizis cumpiglian üna blerüra da cundiziuns, chi fuorman üna part integranta dal permiss da fabrica. Il Cussagl metta però la cundiziun centrala, dimena cha la concessiunaria ha da preschantar in ouravant la garanzia bancaria seguond contrat. Il Cussagl conced'ìl permiss.

500 340.503.01 Proget d'innaver Vastur – Sent
dumonda da credit da fr. 150'000.00 resp. fr. 100'000.00
1. etappa da sanaziun (on da construcziun 1998)

Il Capo ed il vicecapo orienteschan supra l'aboccamaint culs respunsabels da las pendicularas, pro'l qual els vaivan suottamiss la situaziun e l'opiniun dal Cussagl cumünal da Sent. Il cumün da Sent, ha da surtour, seguond contrat, 2/3 dals cuosts.

Il Cussagl va d'accord in chosa e decida da suottametter a la radunanza cumünala la dumonda da credit da fr. 100'000.00, pella part dal cumün da Sent.

501 805.501.01 Meglioraziun cumünala
Tscherna da duos stimadurs

Seuond constituziun cumünala revissa, chi datescha dal 2009, sta quai in cumpetenz dal Cussagl (art. 37, alinea 5) da tscherner las cumischiuns. Seuond il regulativ da miglioraziun chi datescha dal 1983 sto la fatschenda gnir suottamissa a la radunanza (art. 3, alinea 2). La ledscha chantunala da miglioraziun cun seis uorden executiv s'exprim'in möd, cha las cumpetenzas d'ün'associaziun van, là ingiò cha l'istanza ais portadra, via sün quella. Da l'otra vart vain interpretà davart dal servezzan giuridic dal Chantun cha las cumpetenzas d'ün associaziun, ingio cha l'istanza ais portadra, van via sülla radunanza.

Il Cussagl ha scleri la fatschenda, mo quella nun ais giuridicamaing dal tuot clera. Uschè decid'el da suottametter las propostas fattas da la cumischiun da meglioraziun, pels seguaints stimadurs in piazza da Rudolf Müller, Susch e Jon Roner, Zernez, a la radunanza cumünala.

Men Notegen, Tschlin (fin uossa substitut)

Cla Denoth, Ftan (nouv commember)

502 011 **LEGISLATIVA**
Radunanza cumünala

Il Cussagl fix'il termin pella prosma radunanza cumünala sün lündeschdi, als 15 avrigl 2013 a las 20.15. La glista da tractandas segua i'l prossem Mas-chalch.

503 **DIVERSAS SCHEFS**

Barat da terrain tanter il cumün e la ditta Schweizer SA

La mutaziun pel barat ais fingià gnüda fatta avant duos ons. I's tratta d'üna correctura da cunfin d'üna surfatscha d'ün meter. Davo tant temp sto üna mutaziun gnir suottascritta in oter cas vain tala revochada e tuot il proceder cumainza darcheu da nouv.

Il Cussagl consult'il plan e va d'accord in chosa.

504 **VARIA**

Inglüminaziun sala cumünala chasa Misoch

I's ha pudü tour incunter lods e cumplimaints a regard l'inglüminaziun nouva da la sala cumünala, quai chi renda cun satisfacziun.

Cumischiun da fabrica e da planisaziun

Il manader tecnic ed il schef da fabrica avdan prosmamaing a Cuaira ed han dachefar culla chüra da monumaints e cul planisader per sclerir divers puncts chi sun dvantats necessaris.

L'actuar:
Marco Fallet

Il Capo:
Albert Mayer